

雍正庚戌重鑄

寧波府志

府署藏板

寧波府誌序

疆域爲天下之所同而通
省之險要實係諸此則事
莫大焉制度經前代所屢
更而處置之得宜至今日
始大備則典莫重焉因革

損益文物典章人民物產
凡有關於地方者無不書
此誌書之體例也雖然詳
於細而畧於大繁所輕而
簡所重誇多鬬靡搜奇剔
異於地方緊要國家大經

大制了無發明亦何以昭
國憲而垂法守哉寧郡六
縣縣皆濱海蛟門虎蹲雄
峙海口招寶一山屏障大
洋西南自嶺粵東北達遼
左延袤一萬四千餘里商

船番舶乘潮出沒無不取
道蛟門經由招寶內則聯
絡衆省外則控制東倭通
省之門戶實亦東南一大
關鍵也天之設險豈止爲
一郡形勝哉我

朝定鼎相度形勢

命提督大僚駐劄郡城兼轄水陸二師而寧波遂爲重鎮又特設總兵官鎮守舟山內洋外洋並宿重兵星羅碁布脉絡相承器械甲冑

有定數炮位船艦有定制分操會汛有定期海隅日出之鄉畏威懷德漁鹽商賈無旦夕之警於今垂百年矣豈非大經大制前此數千百年之所未經籌及

亦卽後此數千萬世之所
永宜遵守哉較之前代不
提防於海外而徒事巡哨
不扼要於懸海之舟山而
泛責之沿邊各汛其得失
相去爲何如也今

天子御極之八年命直省並修
通誌余承乏浙省方有事
編纂而寧波郡守曹秉仁
修郡誌適成請序於余余
閱其書見其誌海防兵制
輿圖疆域山川建置形勝

諸篇原委備載綱目畢陳
且能發明

聖朝安內禦外之畧衛民通商
之制事之最大而典之最
重者罔或遺矣至於誌戶
賦則著順庄之便誌海渠


則言塘堰壩閘之利誌鹽
政則詳惠商恤寵之意其
他人官物曲無不繁簡合
宜詳畧得當後之閱是書
者知玉帛來同風波不警
皆由

聖朝經畫處置之盡善自嶺粵
以達遼左皆將以是邦爲
屏翰焉其所關豈一郡哉
若夫考古而得所依據聞
風而知所鼓勵則又所望
於邦之士大夫及民庶也

其書余言以弁是編

太子少保兵部尚書兼都察院
右副都御史總督浙江等
處地方軍務糧餉辦理巡
撫鹽政兼管江南江蘓松
常鎮淮揚七府太倉海邳

通徐五州督捕軍務加八
級紀錄一次又軍功紀錄
一次李衛撰



寧波府誌序

今

訓
讀
卷
三

皇帝雍正之十年夏五月予奉

簡命觀察浙東地處海疆日夜悚惕思所
以下慰民情上報

君恩靖恭乃位惟是因地利宜化民成俗
徵於古者方可行於今故廣其諮詢
尤必考其紀載爰屬三府太守與邑

寧波府誌

王序

令區呈府縣各誌以博覽形勝之險
要民俗之醇漓田畝之賦役江海之
巡防與夫昔賢官斯土者之良法美
意以及山川鍾靈人文代興賢士大
夫之卓卓可稱道者輒不禁畢然高
望而遠志方且懼極盛者難爲繼矣
是年冬至後寧波府太守曹君輯郡
誌告成計三十六卷予受而讀之缺

者補訛者正文減於前事增於後無
逸不收無幽不闡自非才具三長曷
克臻此自我

朝開國以來經制之宏鉅樞筦之綜密
徵令之寬簡兵制之詳備海防之周
匝學校之規條無不宣揚

德澤垂著憲章郁郁乎洵推


昭代制作之盛矣予因之竊重有感者

先高祖太史公嘗修嵩志二卷廣採
耆老之語博搜金石之文八年而後
成其立意發言務在表章先賢以挽
氣運正人心敦風俗爲兢兢凡屬舊
文必曰按舊誌云云其自著則曰王
某云云不敢_稱前人之善爲一已之
長而美刺貞_心之辨則立義精嚴不
啻三致意焉自康熙二十年後有

仕吾邑某某者不知史裁爲何遂行
刪削襲舊綴新以致前輩之苦心
意湮沒不傳識者多譏之夫誌書
數十年百年而一修又毋爲淺陋者
所竄改使作史者貶乎辱乎糾世
人心之微言八我輩所據而示其
言外之旨可然情勢所賦職獨不
思班孟堅千古推爲史才其易史記

八書而爲十志天漢以前仍史記之
舊文天漢以後則孟堅之史自漢
史記自史記漢書自漢書之閒雖
記而獨存漢書也太守實意此書
凡不襲故牒表正獨出新文雖
史成一家言後之有志修志者
續成一書俾曹君此誌並垂不朽
庶幾吾之願也夫是爲序

皇清雍正十一年歲在癸丑仲春吉日
賜進士出身中議大夫浙江承宣布政使
司叅政分巡寧紹台道加一級紀錄
三次周南王溯維譔



寧波府誌序

寧郡之有誌也始於宋乾道州將張
津之四明圖經厥後吳正肅潛撰慶
元正續誌胡判府渠因之爲寶慶誌
元袁學士桷因之爲延祐誌王總管
元恭因之爲至正續誌至明而黃僉
事潤玉之簡要誌楊博士實之成化
誌張司馬時微之嘉靖誌後先相望

其於前代之典章法制舊聞軼事與
夫忠臣烈士孝子貞婦之流風遺蹟
網羅詳矣顧諸書多歲久失傳而自
張司馬纂輯後雖經邱李二郡守之
續修書皆未成蓋一百六十餘年來
幾幾有文獻無徵之懼而當事者率
莫之省也 富平曹侯守寧之次年
政通人和百廢具舉適

皇上有纂修一統志之命郡志例得更修
遂引爲已任而觀察孫公守郡時
固嘗有志茲事以遷秩未果至是喜
素志之得伸也函幣致書屬余總領
其事余竊自念少時頗聞史法於家
庭中年備員禁林嘗厠

國史編纂之末投老以來舊學蕪廢之日
久矣獨念康熙中郡守邱公續修時

世父公擇先生嘗膺斯任父兄未竟
之業其何以辭因束裝東渡則諸邑
分編之士已畢集余遂與觀察太守
二公酌定綱目發凡起例以授諸生
採諸張誌者約十之五採諸邱李二
本者約十之三其續增者皆符下諸
邑周詢其地之父老而後登載凡卷
帙紛羅考訂疑互者十旬而橐始脫

迫冬未及修飾復與老友仁和柴徵士世堂暨汪孝廉坤互相商榷刪繁補略閱春夏始成書已太守公復招致分編林子夢麒於公署校對再三以其書請正於制府彭城李公而後授之梓蓋是書之修惟爲時極其希濶故成之愼且難如此顧太守公周詳審愼之意則已異乎世之爲書

者矣其以此敷政而爲一郡興革計久遠也詎不信哉夫誌者史之餘也史之大在一代禮樂政刑與名臣將相之功烈而他不可與焉誌之大在一郡農桑食貨山川阨塞與賢人君子之德業事功而他不可與焉寧雖介在海隅乎自康熙中蕩平海宇遂爲東南一都會我

皇上神謀默運無遠不周頻年更水陸易營汎於海防尤注意矣至章縫之士自制科而躋三事九列與備一城一障之用者尤未易一二數也膺斯任者宜有鴻文鉅製敷揚盛美而余以垂老才盡之年掇拾舊聞以塞當事之請旣幸吾郡文獻之有徵而又愧述作之遠謝清容南山東沙諸君子

寧波府誌

萬序

四

也姑述其緣起如此

賜進士出身翰林院編修加一級提督貴州通省學政

特命分纂康熙字典朱子全書辛卯科山西鄉試主考郡人萬經授一氏撰



寧波府誌序

雍正七年六月余山北直順德蒙
恩調守是邦念海疆重地撫綏非易受事
以來夙夜祇懼思所以無曠厥職者
徼天之幸文武協和年穀成熟民咸
勸功樂事凡郡中所當興舉若城垣
若學校若月潮書院長春大嵩諸塘
碶次第訖功獨念郡誌爲一方文獻

寧波府誌

曹序

一

所關而自前明張大司馬纂修後雖
經

國朝邱李二郡守之續修皆未成書責
實在守土者且

臺上方有纂修一統誌之舉其何以辭因
請於觀察孫公以庚戌季秋開局
延薦紳萬九沙太史董其事佐以諸
生之有文學者而余與觀察公親